

# Cyngor Cymuned Llanystumdwy

**Rhaglen waith y Cyngor - nos Iau, 9 o Fawrth 2023 yn brydlon am 7:30 y.h. yng Nghapel Pencaenewydd, a drwy Zoom (a gellir cael mynediad i'r cyfarfod drwy gysylltu ar ebost gyda'r Clerc).**

1. Ymddiheuriadau.
2. Cyflwyno a chadarnhau cofnodion cyfarfod y Cyngor gynhaliwyd ar 2 o Chwefror 2023.
3. Llofnodi cadarnhâd taliadau BACS Chwefror 2023 (bydd y Clerc wedi trefnu i'r Cadeirydd ei gweld o flaen y cyfarfod).
4. Datgan buddiant personol.
5. Cynghorydd Twm Prys Jones - wedi anfon llythyr at y Clerc yn datgan ei fod yn dymuno rhoi'r gorau i fod yn Gynghorydd Cymuned Ward Llangybi. Bydd yn terfynu ei wasanaeth yn dilyn cyfarfod mis Mawrth 2023.  
(Bydd angen rhoi rhybudd yn nodi fod sedd wag ar wefan y Cyngor a'r hysbysfyrdau, gyda dyddiad cau 31.03.2023. Os na dderbynnir cais, llenwir y sedd gan y Cyngor Cymuned).
6. Hyfforddiant Cynghorwyr - Mae'r Cynghorydd Delyth Parry wedi mynychu Cwrs Modiwl 9 Cód Ymddygiad, a Chwrs Modiwl 2, Y Cynghorydd yn ystod y mis drwy zoom.

## 7. Llywodraeth Cymru -

### Adroddiad Blynyddol Panel Annibynnol Cymru ar Gydabyddiaeth Ariannol - Chwefror 2023

Angen trefnu cyfarfod i drafod polisiau, ac o bosib creu Polisi ar Daliadau i aelodau.

## Materion gan Cyngor Gwynedd

### 8. Rhaglen Waith Trafnidiaeth a Priffyrdd mis Mawrth 2023

| Lleoliad Gwaith | Disgrifiad o'r Gwaith |
|-----------------|-----------------------|
| Pencaenewydd    | Draeniad              |

**Rhybudd - Cau Ffordd Dosbarth III rhwng Hendy Bach a Tyddyn y Felin,Cricieth** - gwaith adfer polyn a cheblau BT Openreach, ar 09.03.2023 (o fewn 1 diwrnod ond nid hirach na 3 diwrnod).

9. Ymgyrch 20 milltir yr awr - Rod King, Sylfaenydd a Chyfarwyddwr yr Ymgyrch - wedi anfon manylion am y bwriad o osod terfyn cyflymder ar gyfer dinasoedd, trefi a phentrefi yng Nghymru o 17 Medi 2023, gydag eithriadau o 30 milltir yr awr yn cael eu pennu gan yr awdurdod priffyrdd lleol.

Yng Nghymru maent eisiau cynorthwyo Cynghorau Tref a Chymuned gyda'r fenter "Diolch am 20" gydag adnoddau i hybu dealltwriaeth o'r hyn sydd i ddod a dathlu'r newid fel bod pawb yn sylweddoli faint o bwysig yw y manau yma.

10. **Gorchymyn Cyngor Gwynedd** (gwahardd a chyfyngu aros a manau parcio ar y stryd (Ardal Dwyfor Rhif 7) 2023

Derbyniwyd copi Gorchymyn drafft, y rhybudd 1af a'r rhesymau dros fwriad y Cyngor i wneud y Gorchymyn. Mae'r cyfnod gwrthwynebu gwneud y gorchymyn yn dirwyn i ben ar y 5ed o Ebrill, 2023.

- **Chwilog** - Ffordd Dosbarth 2 - B4354

Ar ochr ddeheuol y ffordd o gornel Y Madryn i fynedfa Gerddi Madryn, am bellter o oddeutu 12 metr. Dim aros ar unrhyw adeg.

- **Llanystumdwy** - Ffordd Dosbarth III - Maen y Wern

Ar ochr ogleddol y ffordd, yn cychwyn gyferbyn â rhif 2 Talafon i gyfeiriad y dwyrain am oddeutu 22 metr. Dim aros ar unrhyw adeg.

11. **Adroddiad Anghenion Tai Llanystumdwy** gan Hwylusydd Tai Gwledig Grwp Cynefin – y Clerc wedi anfon yr adroddiad at y cynghorwyr i gyd.

### **Materion yn y gymuned.**

12. **Llanystumdwy**

#### **Mainc wedi cael ei dwyn rhwng Llanystumdwy a Bron Eifion**

Sylweddolwyd fod y fainc wedi cael ei dwyn ar 23.02.2023. Mae'r Clerc wedi cysylltu hefo'r Heddlu, a ffonio'r ddau gwmni 'scrap' lleol, ond nid oedd unrhyw wybodaeth amdani. Fe wnaed ymholiadau hefo'r Adran Priffyrdd hefyd oherwydd ar adegau mae'r ymgymerydd statudol yn symud meinciau a dodrefn stryd er mwyn trwsio neu uwchraddio ei systemau, cyn symud nhw yn ol ar ol iddynt orffen ei gwaith. Yn anfodus, ni oedd neb yn gwybod dim amdani.

Y Clerc hefyd wedi cysylltu hefo Clerc Cricieth, i'w rhybuddio fod hyn wedi digwydd.

13. **Rhoslan/Ynys**

14. **Chwilog**

**Cais i gael arwyddion yn nodi'r Lôn Goed cyn yr Eisteddfod Genedlaethol.** Clerc wedi derbyn ateb gan Alun Fon Williams, Gwasanaeth Twristiaeth, Marchnata a Digwyddiadau, Cyngor Gwynedd. Y Clerc wedi cwblhau'r ffurflen gais, a'i dychwelyd a bydd y Gwasanaeth Traffig yn cysylltu â'r Clerc i drafod a phenderfynu ar gynllun a darparu pris am wneud y gwaith.

15. **Lamp Bro Sion Wyn, Chwilog – angen ei thrwsio/adnewyddu.**

16. **Pencaenewydd/Sardis**

17. **Llangybi**

18. **Gwaith ar y llwybrau, Ebrill 2023 ymlaen.**

- a. Llwybr swyddogol o Ffynnon Cybi i ben Garn Bentyrch, un toriad.
- b. Llwybr dan bont y rheilffordd i'r traeth yn Afonwen, dau doriad.
- c. Llwybr heibio Ynysgain Bach hyd at bont y rheilffordd, dau doriad.
- ch. Llwybr o'r ffordd fawr i fyny at fythynnod Tŷ Newydd, dau doriad.
- d. Llwybr Clawdd Llanw o Bontfechan dros y rheilffordd am Ty'n Morfa, dau doriad.
- dd. Ceg y llwybr ar hen ffordd Abercin, ochr y pentref i'r ffordd osgoi.
- e. Cadw safle bedd D. Lloyd George yn daclus yn ystod y tymor.

f. **Maenywern, Llanystumdwy** – gwaith clirio tir y Cyngor ger y bont ac ar hyd y wal i fyny tuag at y Bedd.

**Bydd angen hysbysebu yr uchod ar y wefan, Y Ffynnon a'r hysbysfyrddau i gael prisiau, hefo dyddiad cau 30.04.2023, er mwyn ei trafod yn y cyfarfod mis Mai.**

ff. **Cytundeb torri Cae Chwarae Llanybi** (cytundeb 3 mlynedd eisioes wedi ei wneud rhwng Ebrill 2021-Mawrth 2024.

g. **Glanhau llochesi bws** – cytundeb 3 mlynedd eisioes wedi ei wneud rhwng Ebrill 2021 tan 31.03.2024.

### **Materion Ariannol**

19. **Adroddiad Ariannol** gan y Clerc a'r Swyddog Ariannol Cyfrifol.

Bydd y Clerc yn anfon ebost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 09.03.2023. Mae hyn yn cadw golwg manwl ar y gwariant sydd eisioes wedi ei wneud. (Bydd y Clerc yn trefnu i ddangos y biliau i gyd i'r Cadeirydd i'w llofnodi a'i awdurdodi o flaen y cyfarfod cyn ei talu).

20. **Archwilio mewnol** – angen penderfynu os dylid gofyn wrth Adran Archwilio Cyngor Gwynedd wneud yr archwilio mewnol am y flwyddyn 01.04.2022 - 31.03.2023 eto eleni.

21. **Cais ariannol Neuadd Chwilog** – dal heb dderbyn mantolen, felly ni wnaed y taliad.

22. **Cyfraniadau ariannol** – derbyniwyd llythyrau/ebyst yn diolch gan bawb a dderbyniodd daliad yn dilyn cyfarfod mis Chwefror 2023.

23. **Cais am arian**- gan Rachel Heal, sydd yn fam i blentyn 4 oed, sydd yn mynychu Ysgol Hafod Lon, ac yn ceisio helpu'r ysgol godi rhywfaint o arian i fedru archebu beic arbennig i blant oed cynradd i ddysgu defnyddio beic yn annibynnol. Mae'n cysylltu gyda chynghorau lleol i weld os byddai modd gefnogi hyn. Mae linc i dudalen Go Fund Me wedi cael ei greu yn arbennig.

24. **Croesawu'r Eisteddfod i bentrefi/ardaloedd o fewn ffiniau Cyngor Cymuned Llanystumdwy** – mae'r baneri/'bynting,' wedi cael ei archebu.

25. **Taliadau BACS** angen cael ei gwneud yn dilyn y cyfarfod:

| <b>Enw/Rheswm</b>       | <b>Rheswm</b>  | <b>Pris</b>   | <b>TAW</b> | <b>Cyfanswm Taliad</b> | <b>Taliad BACS</b> |
|-------------------------|--|---------------|------------|------------------------|--------------------|
|                         |  | <b>£</b>      |            | <b>£</b>               | <b>£</b>           |
| Un Llais Cymru          | Tâl aelodaeth 2023/2024  | <b>359.00</b> |            | <b>359.00</b>          | <b>359.00</b>      |
| Wifi Capel Pencaenewydd | Mae'r taliad rhwng 01.04.22 - 31.03.2023 (£37.14 x 7 mis £48.34 x 1 mis, £49.14 x 4 mis = £504.88) | <b>504.88</b> |            | <b>504.88</b>          | <b>504.88</b>      |
| Y Ffynnon (M1164)       | Hysbyseb Tachwedd a Rhagfyr  | <b>28.00</b>  |            | <b>28.00</b>           | <b>28.00</b>       |
| Cynghorydd Aled Davies  | Bynting a baneri at yr Eisteddfod Genedlaethol   | <b>190.00</b> |            | <b>190.00</b>          | <b>190.00</b>      |

26. Cyflog mis Chwefror 2023 y Clerc i'w rannu rhwng y Clerc a Chyllid a Thollau EM.

| <b>Enw/Rheswm</b>  | <b>Swm<br/>£</b>                                      | <b>Cyfanswm Taliad net<br/>£</b> | <b>Taliad BACS:-<br/>£</b> |
|--|---|----------------------------------|----------------------------|
| Cyflog sylfaenol y Clerc, Chwefror 2023<br>35 awr y mis x £12.50 = £437.50 | 437.50<br>Llai treth £87.60=<br><b><u>£349.90</u></b> | <b><u>349.90</u></b>             | <b><u>349.90</u></b>       |
| Cyllid a Thollau EM Treth ar enillion y Clerc Chwefror 2023                | £438.00 x 20% =<br><b><u>£87.60</u></b>               | <b><u>87.60</u></b>              | <b><u>87.60</u></b>        |
| Costau Clerc mis Chwefror 2023   | <b><u>£16.00</u></b>                                  | <b><u>16.00</u></b>              | <b><u>16.00</u></b>        |

Bydd angen penderfynu os mai ar y nos Iau **06.04.2023** fydd y cyfarfod nesaf.

**It is possible to get an English translation of any minute, please contact the Clerk.**